

جريدة محاكم

١٢٩٠

جمعه ايرتسى

نومرو ٣٢٠ محرم ١٥ سنه ١٣٠٣ تشرین اول ١٢ سنه ١٣٠١ صحیفه ٣٠٤١

اشبو غزته بهر هفته جمعه ايرتسى كونلری چيقار سنه لکی در سعادت ایچون مجیدیه
یکرمی غروش حسابیله التمش غروشدر طشره لر ایچون اون بش غروش پوسته اجرتی ضم اولنور بهر
نسخه سی ینه مجیدیه یکرمی غروش اولمق اوزره یوز پاره به هر یرده صاتیلور درج اولنه جق اعلانک
هر برندن بر مجیدیه اخذ اولنور سنه لکنه مشتری اولمق استیائلر عدلیه نظارتی دایره سنده کاشن
جریده محاکم اداره سنه مراجعت انلیلدر

قسمت سهی

اولدیغی جهته مقاله مقاولات محرر لر ینک معاشه مقابل
اولان عائداتلر ینک دخی مدت محاکمه و مأذونیتلری
زمانلرنده قرار مذکوره توفیقاً اعطاسی طبیعی
بولمش و دائرة تفتیشیه لرنده بولنان محاکمه تبلیغ
اولمق اوزره اشبو تحریراتک نسخ مطبوعه کافیه سی
لغاً ارسال فلتمش اولغله اولوجهله اجرای ایجابی

محکمه تمیز باش مدعی عمومیلک مأموریتلرن
عدلیه نظارت جلیله سنه بالتقدیم جریده محاکم
ایکی بیک سکز یوز التمش التی نومرولی صحیفه سنده
مندرج اولان فی ٢٦ رجب سنه ٣٠١ وفی ١٠
مایس سنه ٣٠٠ تاریخی مذکوره بعض ترتیب

(عدلیه نظارت جلیله سندن فی ١٨ محرم)
(سنه ١٣٠٣ وفی ١٥ تشرین اول سنه)
(٣٠١ تاریخیه در سعادت و ولایات عدلیه)
(مفتش لکرینه تسطیر اولنان تحریرات)
(علیه صورتیدر)

بعد ازین کرک دولجه نحت محاکمه به النوب برائت
ذمتلری تحقق ایدن و کرک حج شریف و تبدیل هوا
مقصدلر ینه مبنی مأذونیت الان مأموریتلر مدت
محاکمه و مأذونیتلری معاشر ینک نصف اوله رق
تسویه سی مقدمات تعمیم اولنان قرار عالی ایجابندن

سهو یانی کورلدیکندن نسخه دیکه سی بوجه
ذیر تکرار درج و تزییر قانور

جنحه دعوازنده محاکم ابتدائیدن صادر اولان
احکام جزایه نیک استینافی قانوناً اجراسنی تأخیر
ایلدیکی کبی مهل استینافک مرور ینه قدر اجرا
اولتمسی دخی حکم قانون اقتضاسندن ایسه ده
استینافاً محکوم اولنر حقنده دخی مهل تمیزیک
مرور ینه و یاخود تمیزاً برقرار صدور ینه دکن
احکام استینافی نیک تأخیر ینه دارقانونده برصراحت
اولیوب بالعکس تمیز استیناسنده بولنان محکومک
حال موقوفیتده و یاخود کفالت التنده بولندیغی
ثابت اولدیقجه تمیز استیناسنک قبولی جائز
اولدیغی قانونده مصرح اولمغله محکمه استینافدن
حبس جزاسیله محکوم اولان اشخاصدن موقوف
ویامکفول اولیانلرک توقیف و یاخود اصولی
دائرة سنده کفالت نقدیه به ربط اولملری لازم
کلورکن بدایه محکوم اولنلره قیاساً بولنره دخی
برشی دینلیوب صالیو برلنکده و محکمه استینافی نیک
اعلامی وقت وزمانیله حقیقمدیغی کبی محکمه تمیزجه
دخی تدقیقات تمیز ینه نیک در دست اجرا بولندیغی ائاده
مکفول و موقوف اولیان مجرمینک جمله سی احوال
معروضه دن بالاستفاده همان بر استیناف و تمیز
استیناسنی و یروب صاوشتمده و برطاقی فرار ایله
جزاسز قالمده اولدیغندن اقتضاسنک اجراسنی
در سعادت عدلیه مفتشلسکی مأموریت بهیه سنک
بیان مطالعه اولتیق اوزره فی ۱۲ تموز سنه ۹۹
تاریخنده حواله بیوریلان فی ۲۱ حزران

سنه ۱۲۹۹ تاریخی و التي نومرولی مذکره سنده
اشهار قلمشدر مواد جزایه ده لایتغیر حالی
احراز ایتماش اولان بر حکمک متضمن اولدیغی
جزانک لزوم تأخیر اجراسنی قواعد کلیددن
اولدیغنه مبنی جنحه دعوازنده محکومیتی متضمن
اولان اعلامات ابتدائیک کرک مدت استینافی
ظرفنده و کرک دعوانک استینافاً رو بی ائاده
اجرا اولنه میه جنجی اصول محاکمات جزایه قانونک
یوزسکسان بشنجی ماده سنده صراحتاً مسطور
اولدیغی کبی قانون مذکورک اوچوز بدنجی
ماده سنده دخی (محکمه تمیزیک قرار ینه تعلیقاً
حکم واقعتاً اجراسنی تأخیر اولنور) عباره سی
بلا شرط مندرج بولندیغنه نظراً مدت تمیز به مرور
ایتمدیکجه و یاخود تمیز دعوی وقوع بولوبده
محکمه تمیزدن و بر بله جک حکمک ندن عبارت
اولدیغی اکلاشلدیقجه حکم استینافینک اجراسنی
جائز اوله میه جنجی و عباره قانونیه مذکورده
کرچه جنایات فضلنده مندرج ایسه ده حکم وقوتی
عمومی و بناء علیه جنحه و قباحت ماددر ینه
دخی شمولی اولدیغی متفق علیه مسائل قانونیه دن
بولمشدر مع مافیه بومقوله احوالده تأخیر اجرا
ماده سی مقدما اجرا ایلمش برجزانک قابل اعاده
اوله مامسی سبب و حکمتنه مبنی اوله رق موقوفیت
موقت ایسه جزادن معدود اولیوب انجق
علی الاطلاق ایلروده وقوع بولمغله جنج بر حکم
قطعینک تأمین اجراسنی ضمننده بالمجبور به اتخاذی
لازم کلان بر تدبیر موقت قبیلندن بولندیغنه
ودعوی استیناف برکونه شرائط ایله مشروط

اولیوب مدت قانونیه سی ظرفنده بو بایده راستینا
نامه نیک تقدیمی کافی اوله جنغه مبنی کرک مدت
استینافی ده و کرک استیناف دعواسنک رو بی
ائاسنده جزانک اجراسنی تأخیر اولتیق لازم کلیدیکی
کبی موقوف ویامکفول اولیان محکومینک دخی
بو ائاده حال موقوفیتده بولتمسی ایجاب ائیه جکی
درکاردر حالبوکه استیناف دعواسنک موقوفاً
اقامه اولنه بیله چکنه دارقانونده برکونه صراحت
یو غیسه ده دعوی تمیز بعض شرائط مخصوصه به
تابع اولدیغندن یا لکن تمیز استیناف نامه سنک اعطاسی
اکتفا ایلیوب قانون مذکورک اوچوز بیکری بدنجی
ماده سنده مسطور اولدیغی اوزره حبس جزاسیله
محکوم اولنلرک حال محبوسیتده یعنی حال موقوفیتده
بولملری و یاخود کفالت نقدیه به ربط ایلمش
اولملری دخی الزمدر شو حالده تمیز دعوی ایلمک
احتمالنه مبنی مدت تمیز به ائاسنده دخی حکم
ایدیلان جزانک تأخیر جزاسنی مقتضی ایسه ده
تمیز دعواسنک مسوعیتی انجق شخص محکومک
بروجه مشروح حال موقوفیتده و یاخود تحت
کفالتده بولتمسینه متوقف اولدیغندن شرائط
مذکورده نیک اجراسنی هر حالده الزم اولوب حتی
تخلیه سیلیک بحق لازم کلیدیکی احوالده دخی مدعی
اولدیغنه یعنی شخص محکومک ایشلدیکی فعلک
ایکی سنه دن اکسک حبس جزاسنی مستلزم
جرائمین اولتیق ملابسسه سیله محاکمه سی بدایه
واستینافاً بلا کفالت جریان ایتمش اولسه بیله
بعدا الحکم موقوفاً ویامکفولاً تمیز دعوی ائیمسی
مجبوریت قانونیه تحتنده بولندیغی جهته ره رأساً
توقیف اولتماش او ایسه ده تمیز دعوی ایتک

استینانلرک شرط مذکورک اجراسنی طلبه کندولری
مجبور بولندقلرینه و تمیز دعوی حقنده موضوع
اولان شرائط مخصوصه مذکورده دن مقصد قانونی
اصلسز به و محضاً درجه اخیره ده و بریلان
اعلامات جزایه نیک تأخیر و اخلال احکامنه تشبث
ایدلسنه میدان و برلامکله برابر عندالتمیز اعلام
تصدیق اولندیغی حالده دخی مجازات مرتبه نیک
اجراسنی تأمین ایتک قضیه سی بولندیغنه نظراً
اگرچه تمیز دعواسنک اجرای جزاسنی تأخیر
اولتیق لازم کله جکی درکار ایسه ده موقوف
ویامکفول بولنان محکوملرک حالری ایفا اولنه جنجی
کبی موقوف ویامکفول اولیانلرک دخی مدت تمیز به
ائاسنده درجه اخیره ده و بریلان محکومیت
قرار ینه استناداً رأساً حال موقوفیتده بولندیرلمسی
مقصد و مفهوم حقیقی قانونه موافق اولور
شوصورتله حال موقوفیتده بولندیر یله جنج شخص
محکومه قارشو حاصل اوله جنج احوال مختلفه به
نظر تدقیقه الندیقه کندوسی در حال تمیز ائیمو بده
بالعکس مدت تمیزیک بوم اخیری اولان سکننجی
کونی تمیز ایله جکی فرض اولنسه بیله ایلروده تمیز
دعواسنده حقسز حقیقدیغی حالده حال محبوسیتده
نسبتله اهون اولان ایام موقوفیتی قطعاً محکوم
اوله جنجی جزایه محسوب ایله جکی و اصلاً تمیز
دعواسنه تشبث ایتدیکی حالده مدت تمیز ینه نیک
مرور یله اعلام قطعی درجه سنی کسب ایدرک
جزانک اجرا اولنه جنجی و شو حالده مدت موقوفیتنک
ینه محسوب ایله جکی جهته ره ایکی حالده
برکونه متضرر اولیه جنجی و تمیز دعوی تشبث
ایدوبده حقیقی حقیقده رق حکم سابق نقض ایدلدیکی

حاله دخی مادامکه شرط موقوفیت مقتضای سنجه قانوناً مدت تمیزیه نك انقضاسندن و یا خود استدعا تاریخ تقدیمندن صکره کی موقوفیت اصلاحی بحت اوله مدیغی کبی هر مستدعی تمیزیه استدعای دخی مدت قانونیه نك بوم آخرینه تصادف ایده میه حکمی جهتهله فضله اوله رق و قوع بوله حق موقوفیتك انجق بر قاج کوندن و نهایت النهایه برهفته دن عبارت اوله بیله جکی غیر منکر در شوقدر که مارالذکر محکومینک کفالت تقدیه به ر بط ایدلرینی طلبه حق و صلاحیتلری بولندیغی جهتهله طول مدت حال موقوفیتده قالماملری ضمننده بوقوله احوالده مدعی عومیلر ایله محاکم استینافیه طرفندن جنجه نك نوع و درجه سی و محکومک حال و صفتی تقدیر اولمقله برابر اعلام استینافیک تنظیمیله مسافه بعیده یه کوره اوراقل محکمه تمیزیه ورودینه و محکمه مذکوره ده دخی ایشک فصل ورؤ یتیه ویر یله جک اعلامک محله ایصالته قدر بالطبع مروری لازم کلان زمان دخی نظر تأمل و مطالعه به النهررق بط کفالته دارور بوله جک استدعال اوزرینه موقوفیت حقنده اکاکوره قرار و برلک لازم کله جکی تخطر اولمش ایسه ده خصوص مجبوت عنهک مسائل قانونیه دن بولندیغی جهتهله بر کرده انجمن عدایه جه مذاکره سی و نتیجه حاصله حقنده دائره عاجزی یه دخی معلومات اعطاسی مرهون اراده جلیله جناب نظارتیناهیتری بولمش و مذکره مذکوره دخی لغاً تقدیم و اعاده قلمش اولغین اولبابده

قسم غیر رسمی

(اصول استنطاق اسلامده تاریخ ایجادی)

اصول استنطاق موادجرمیده علی الاطلاق اسباب حکمدن اولان ینده معتبره و شائبه مواضعدن عاری اقرارک اکثر یا ققدانی ملابسسه سیله حقوق عومیه نك محافظه سی لزومنه مبنی تحری حقیقت و استنباط ایدیه جک ادله و امارات اوزرینه استنتاج عدالت ایچون وضعنه شدتله لزوم کورلش بر اساس مستحکمدرکه سیاستک مشروعیتی قاعده سندن متفرع و امر سیاستک تعیین و اجرایی جزا قانوننامه همایونک برنجی ماده سندن مستفاد اولدیغی اوزره امر اولی الامر عاقددر بوصورته اصل و فرعک ایضاحی ایچون اولا سیاستک و بعده اصول استنطاقک وضع و تأسیسک بیانته مبادرت اولنور شو یله که سیاست شرعیه حق ظالمدن استحصال و مظالمی استیصال و ارباب فسادی ایقاع شر و فساددن منع ابله مستحقنه حقوقنی ایصال ایدر .

سیاست شرعیه ارباب شر و فسادی ابنای نوعنی اضرار ایله سیات متعديه و عومیه دن و انسانی احوال خصوصیه جه حد مشروعی تجاوزدن منع ایتسیله تهذیب اخلاقه وسیله اولسنه نظراً بش قسمه منقسم اولمشدر

برنجیسی انسانک مکلف اولدیغی عباداتدرکه نفوس تریه ایکنجیسی طعام و لباس و مسکن و تزوج و بولنه مماثل حسن زندگانی و سائلندن اولان مباحاته مأذونیتدرکه عالم انسانیتده کی افرادک بقای نوعی اوچنجیسی انسانک تحصیل مصالحنک موقوف علیهی اولو بده زنده بولنمسیله مفتقر بولندیغی اعیان و سائرهبی تدارک و دیگرینی استخدام ضمننده مراجعته مجبور اولدیغی مبیعات و اجارات و استقرضاتدرکه دفع ضرورات دردنجیسی مدارا و لطفه و هبه و صدقه یه و وقف امواله و عجزیه معاونه تحریض کبی که مکارم اخلاقه تنبیه بشنجیسی مخطورانندن زجر ایچون مشروع قلمشدرکه سیاستدن مقصد اهم اشبو بشنجی قسم اولوب بوده مقاصدی اعتبار یله التی به منقسم اولور .

برنجیسی قصاصدر چونکه قصاص استکمال ایتمیان انسانلری ظلاً قتل نفوسه مبادرتدن ایقاپه و انلری منعه وسیله اولمقله کندی بقای حیاتلرینک مداری اولدیغندن وجود انسانی نی هلاکدن ایکنجیسی فواحشه متجاسر اولنلری مجازات کبی که انسابی فساددن اوچنجیسی دیگرک عرضنه تجاوز ایدنره جزا ترتیبی کبی که محافظه عرض اهم اموردن اولمقله ترتیب جزا اعراضی ضیاعدن دردنجیسی سارقله مجازاتدرکه خلقتک اموالی تلفدن بشنجیسی مشروبات مسکره نی استعمال متجاسر اولنره جزا ترتیبی درکه افرادک تعیین مراتبنده معیار اولان عقلی خللدن التنجیسی

دیگر هر درلو فنالقردن منع و تعزیر ایچون متفاوت المراتب جزا تعیینی درکه صافیت جبلیتی کدردن محافظه ایدر .

سیاستک اسباب مشروحدن ناشی مشروعیتنه مبنی درکه بیانی صدندنه بولندیغی استنطاق دخی تأسیس اولنوب مؤسس امام علی ابن ابی طالب رضی اه تعالی عنه اوندیمز حضرتلر یدرشو یله که زمان خلافتلرنده برکنج حضور حیدارانله رینه رفع شکایت وفلان وفلان و فلان پدر یله برلکده سفره عزیمت ایتدکلی حالده یالکز انلر عودت ایدوب پدری کلامکه عدم معاودت سببنی انلردن سوال ایدلکده پدرینک وفات ایتدیکنی و زنده بولنسان برچوق مالک نه اولدیغنه دائر واقع اولان سوالی اوزرینه دخی پدرینک برشی ترک ایتدیکنی اخبار و بیان ایتلریله حاکم الوقت شریح رحه اه حضرتلرینک حضورنده بولنر پدرینک قاتلی و اموالک غاصبی اولملری حقنده دفع دعوی ایتمش ایسه ده انلرک انکارینه مقارن اثبات مدعیه دلائلی اولمامغله انلر طرف حاکدن پدرینک قاتلی اولدقلرینه و مالی المدقلرینه دائر تحلیف اولنهرق سبملری تخلیه ایدلدیکنی حکایت و استدعای عدالت ایتکله امام مشارالیه انلری ضابطه معرفتیه جلب و احضار و یکدیگریله مکلمدن منع ایچون هر برینه ایکیشر محافظ نصب ایله اختلاطدن ممنوعیتلرینه دائر اوامر اکیده اصدار ایتدکن صکره کاتبلرینی و انلردن برینی حضور عدالت نشور مشکل کشایلرینه دعوتله

مدعینک پدری نه کونی کندولز یله برابر مدینه دن
 چیقوب زهره قدر برلکده کتدکلرینی و اتنای
 طریقه صورت سیرلرینی وهانکی علتدن
 وفات ایتدیکنی و برارنده بولنان مالی نه اولدیغنی
 و وفاتده کیملر غسل و دفن ایدوب زهره دفن
 ایددیکنی سؤال ایله الدیغنی جوابلری کاتبه
 یازدیردقن صکره اتی اخراج و دیگرینی جلب
 ایدوب ینه بومنوال اوزره بعد الاستنطاق کذلک
 حضور عالیرندن چیقاردوب دیگرینی احضار ایله
 لدی الاستنطاق هر برینک افاده سی رفیقلرینک
 افاده سنه میان اولدیغنی کورمکه ابتدا استنطاق
 بیوردقیری ذاتی تکرار حضورلرینه جلب ایله
 ینه استنطاق و « سنک مدعینک پدرینه غدرینی
 و افاده کرده اختیار ایتدیکنیز یلانلری ارقداشلرک
 افادلرندن اکلادم سنی عقوبتدن طوغری
 سونلکک قورتاره ییلور » خطاب جلیلمنی ایراد
 و حبسه اتقا اولتمسنی امر بیوروب بعده دیگرینی
 دعوتله اکا دخی افاده سی رفیقلرینک افاده لرینه
 میان اولدیغنی تفهیم و طوغری سنی سونلرینی
 طلب ایتکله مدعو مرقوم مدعینک پدرینی قتل
 و ماننی اخذده رفیقلرینه کره ا مشارکتی اقرار
 ایدرک بونک اوزرینه دیگرلری دخی جلب ایله
 لدی السؤال مدعینک پدرینی غدراً قتل و ماننی
 اخذ ایدرک لری اقرار ایتلریله مقتولک ماننی
 ضمناً الوب مدعی به تسلیم و قاتلری قصاص
 ایتدیلر .
 اشته اصول استنطاق شو صورتده ابتدا ایتکله

تاصدر اسلامده ایجاد اولنهرق بواصولک اجرایی
 دخی سیاستک مشروعتنه مستند بولمشدر
 استنطاق مواد جرمیه نیک بالخری میدان ثبوت
 و وضوحه ایصالده واسطه منفرده اولقی جهتیه
 مستنطقک اصول استنطاتی عالم اولمسایله برابر
 مواد جرمیه ده دلائل و اماراتک مرور و قتل
 زائل و یاخود قوتنه ضعف طاری اولدیغنی
 تخر به ایله ثابت اولدیغندن بوبده اضاعه اوقات
 اولتامق اوزره قانون یاتعین اوقات و یاخود
 استعمال ایتشدرکه بوده عین حکمتدر

رئیس اول مرکز بدایت
 یایه عبد الرحمن
 ذییب

لسقویک سنجانی مضافاتدن پردی قضاسنه
 تابع فراشطار قریه لی شریف بکک مضبوطه سندن
 مابعد

(رئیس محکمه برطاق اشیا بلازنجقه قریه سی اوستنده کی
 قیا و چقورده صاقلامش اولدیغنی مؤخرأ مذکور
 اشیا نیک بولندیغنی محلی ارئه ایدرک اورادن
 چیقاریلوب بیکباشی افندی به تسلیم ایلدیکنی
 و حسین متوشده بوکی مال اولتامق حسییه
 اشیا یی مذکوره اموال مغصوبه و مسروقهدن
 اولدیغنه معلوماتک بولتمسندن طولایی اوراده

حفظ ایتدیکنی و اووه کتور مدیکنک مجرد هرکسه
 افشا اولتامق افکارینه مبنی بولندیغنی حین
 دردمسندده و اخیراً مستنطق حضورنه مکرراً
 اقرار و بیان ایلدیکی و حتی بواشیایی حسین
 متوش سکا و یردیکی وقت متهملر دن یعقوب و لاهه
 دخی اوراده بولندیغنی سو یلدیکک استنطاقنامه لرده
 مسطوردر شمیدی بونک خلافی افاده به سبب ندر)
 دیو متهم کاملدن سؤال ایتدیردی متهم مرقوم
 اشیا نیک اموال مغصوبه دن اولدیغنه قطعاً
 معلوماتی و هیچ بر محمله بوکی افاداتی اولدیغنی
 و ایشک حقیقی بووجهله ایدوکنی جواباً بیان
 ایتدی رئیس محکمه اوراق نطقیه سننده مضبوط
 افاده و اقرارلرینی متهم کاملک مواجهه سننده بر
 برقرائت ایتدکن صکره نه دیه جکنی تکرار سؤال
 ایلدی متهم مرقوم دخی افاده سابق و جهله
 حسینک مالی اولدیغنی یله رکدن الدیغنی بیان ایدرک
 اقرار مضبوطه سنی و دیگر متهملرله کورشدیکنی
 انکار ایدوب فقط حسین متوشله مقدا عثمان
 بکک یاننده ارقداشلق ایتدیکندن شباطک اون
 ایکنجی کونی اخشایسی انک خانه سننده بیتوتت
 ایلدیکنی بیان ایتدی متهم دیگر کاظم علی لدی -
 الاستجاب اوراق نطقیه سننده مضبوط افاده سی
 و جهله فعل غصب و قتلده مدخلی اولیوب متهملرله
 اصلا کورشدیکنی و کندوسنک برارنده بولندیغنی
 حقیقه کی افادلری عزو اسناددن ایلر و کلدیکنی
 سو یلدی
 اخشام اولوب شهودک استماعنه وقت مساعد
 اولدیغندن اکیال محاکمه نیک مارتک اون التنجی

چعه ابرتسی کوننه تعلیقنه قرار و یریلدرک متهملر
 یرلرینه اعاده قلندی

(اوچنجی محاکمه)

هیئت سابقه دن یالکر معذرت مشروعه سننه مبنی
 کله میان اعضا قسطنطین افندی نیک یرینه اعضا
 ملازمی اجدکال بکک اقعادیه هیئت محکمه تشکیل
 ایلدیکی و مدعی عمومی معاونی کامل افندی وضبط
 کاتبی مصطفی افندی حاضر اولدقیری حالده متهملرله
 و کیلاری حیدر افندی اصولاً حضور محکمه به
 جلب اولندیلر اولنجی محاکمه ده بولنان هیئندن
 بر یسنک تجددی جهتله اوراق دعوی وضبط
 ورقه لری تکرار هلناً قرائت ایتدیلرک محاکمات
 سابقه نیک احوال و کیفیت جریانی اکلشلدقن
 صکره بالاده اسامیسی محرر شاهدلر حضور محکمه به
 کتورلدیلر جمله سی ارنودجه متکلم اولدقیرندن
 بالتحلیف ترجمان تعیین قلنسان مومی الیه ابراهیم
 افندی معرفتیه اول اسم و شهرت و سن و صنعت
 و محل اقامتلری و جرمک و قوعندن اول متهملری
 طانیوب طانیملرلی و جهت قرابتلری بشقه بشقه
 لدی السؤال بولردن حسین بن حسین دنیلان
 حسین اوغلی یحیی اولدیغنی بهد التصحیح مذکور
 شهود بوصله سنه موافق صورتده اسم و شهرتلرینی
 بیان ایدرک جمله سی چفنجی صنعتنده اولدقیری

و متهم شدن یا لکنز کامل صالحی اولدن طانیوب
دیگر لری کندی ککو یلورندن بولندقرینی
و ایچلرندن جعفر اوغلی علیزون متهم شدن شریفک
باباسی و شاکه لاهه دخی متهم یعقوب و لاهه
ملوشک و الدلری اولهرق دیگر لریک هیچ
بر یسنه قرابت و مناسبتلری اولدیغنی بیان
و افاده دنصکره یحیی حسین و حلیم اوغلی امین
و مؤمن اوغلی رجب متهم لک عمومی حقنده اولان
معلومات و مشهوداتی برکونه غرض و خوف
و خشیتته مبنی اولیهرق طوغریجه سویله
جکارتنه و علیزونه شاکه لاهه دخی یا لکنز کامل
صالحه کاظم علی حقنده یلدرکاری نه ایسه
کذلک غرض و اخافه دن عاری اولهرق بیان
ایده جکارتنه دائر اصولاً برر برر تحلیقلری
بعدا لاجرا جمله سی طشره چیقار یلهرق یا لکنز
الیقونیلان یحیی حسین دن درجه معلوماتی تر جانی
واسطه سیله صورلدقده متهم شدن شریف
و لاهه ننگ بکیباشی مختار انا طرفندن اجرا ایدیلان
استنطاقلرنده کندوسیده حاضر بولندیغندن
اوراق نطقیه ده محرر اولدیغنی و جهله فصاحت
مذکوره به اجتماسار لری حقنده که اقرار لرینی
استماع ایتدیکی کبی اشیا ی مغصوبه میاننده کاظم
علینک حصه سی اولدیغنی متهم لاهه ننگ و الده سی
شاکه بیان و ارائه ایدوب یو خسه کاظم علینک
خانه سنده بر شی بولندقرینی افاده مضبوطه سنه
موافق صورتده افاده و متهم لره کاظم علینک
وقعه اثناسنده ملاقاتی جهتی صورلدقده عدم
معلوماتی علاوه ایلدی شاهد دیگر حلیم اوغلی

امین لدی الاستجواب متهم شدن شریف و لاهه ننگ
حین دردست و استنطاقنده شریف بکک امواتی
رفیق لری حسین و کاظم علی و یعقوب و کامل
صالحه برابر غصب ایتدکارینی اقرار لرنده کندوسی
حاضر بولندیغنی و کامل صالحک بولندقرینه ملاقاتنه
معلوماتی اولدیغنی افاده مضبوطه سنه موافق
صورتده بیان و تفصیل ایدرک اشیا ی مغصوبه دن
کاظم علینک حصه سنه دائر ققره بی کتم ایلدی
بوققره ایله کاظم علینک متهم لره ملاقاتی جهتی
شاهد مرقومدن لدی السؤال عدم معلومات
کوسترسی اوزرینه مذکور اشیا ی میاننده کاظم
علینک دخی حصه سی اولدیغنی متهم یعقوبک
و الده سی شاکه دن روایتله بیان و اخبار ایلدیکی
اوراق نطقیه ده مسطور اولدیغنی شاهد مرقومه
رئیس محکمه طرفندن اکلادیلهرق و بوجهت
حقنده که افاده مضبوطه سی قرائت اولندهرق
استجواب اولندقده کاظم ایچون بویه برسوز
شاکه طرفندن سو یلنوب سو یلنددیکی خاطرنده
اولدیغنی در میان ایلدی متعاقباً استجواب اولنان
رجب مؤمن دخی متهم شدن لاهه ننگ استنطاقنده
بولنوب رفیق لریله برابر بوقعه اجتماسار لری
حقنده کی اقرارینی استماع ایتدیکی و اشیا ی مغصوبه
بخشده کالجده کاظم علینک خانه سنده بر شی بولندیوب
انجق دیگر متهم لک خانه سنده ظهور ایدن
اشیا یی ثبت دفتر ایتدکاری صروده کاظم علینک
حصه سی بودر دیه رک متهم لاهه ننگ و الده سی شاکه
ارائه و بیان ایلدیکی و کامل صالحه کاظمک
دیگر متهم لره ملاقاتنه معلوماتی اولدیغنی کذلک

افاده مضبوطه سنه موافق صورتله بیان و تفصیل
ایتدی هر شاهدک افاده سی ختام بولندقرینه
سو یلنیلان اشجو سو زله مدافعه بر دیه جکارتی
اولوب اولدیغنی متهم شدن بشقه بشقه سؤال
اولندقده بر دیه جکارتی اولدیغنی جوابنده بولندیلر
بولندن صکره متهم شریفک پدری جعفر علیزون
جنب ایله کامل صالح و کاظم علی حقندنه کی درجه
معلوماتی صورلدی جوابنده اموات مغصوبه دن
ظهور ایدن ایکی چوال اشیا یی حین تخر برده
کندوسیده حاضر اولوب بولمتهم کاظم علینک
اشیا یی مذکوره میاننده حصه سی اولدیغنی
و متهم شدن لاهه و یعقوبک خانه سنه براقدیغنی
مزبور شاکه بیان و ارائه ایتش و وقعه دن
ایکی اوچ کون اول برکون کامل صالحی لاهه
و یعقوبک خانه سننده و متوفی حسین متوشده
برابر لرنده کوروب کاظم علینک بولنره ملاقاتینی
مزبور شاکه دن ایشتمش ایدوکنی افاده مضبوطه سنه
موافق صورتده بیان ایتدی علیه نه سو یلنیلان
سو زله نه دیه جکی متهم کامل و کاظم علیدن
بشقه بشقه لدی السؤال افاده سابقه لرینی
تکرار ایلدیلر متهم شدن یعقوب و لاهه ملوشک
و الدلری مزبور شاکه دخی جلب و استجواب
اولندقده بوماده به متعلق برکونه معلومات
و مشهوداتی بولندیغنی بیانیه مستنطق حضورنده
سبق ایدن افاداتک جمله سنی کتم ایلدی کامل صالح
و کاظم علینک دیگر متهم لره کندی خانه سننده
اجتماع ایدرک مؤخرأ حسین متوشک اوینه
کتدکارینه و ظهور ایدن اشیا ی مغصوبه میاننده

کاظم علینک حصه سی اولدیغنه دائر محلی استنطاقنده
محرر اخباراتی مزبور شاکه به رئیس محکمه
جانبنندن اکلادیلهرق حقیقت حالت بیانی تفهیم
ایتدیلدی مزبور شاکه به عدم معلوماتنده اصرار
ایتدی اوزرینه افاده لری آنفاً استماع اولنسان
یحیی حسین و رجب مؤمن و جعفر علیزون حضور
محکمه به جلبله کاظم حصه سی حقنده بوآدمره
بیان معلومات ایدوب حتی مقدار حصه سیده ارائه
ایتدیکی مزبور شاکه به و واجه دلرنده رئیس
محکمه جانبنندن بالبیان طوغری سو یلنسی تکلیف
اولندقده بوکبی سو ز سو یلدیکی مصرانه افاده
ایلدی بو صروده مدعی عمومی معاونی کامل افندی
متهم شدن یعقوبک قرنداشی شاکر ملوش نام
دیگر رستمک بو بایده بعض معلومات و اخباری
سبق ایدوب انجق شمدیکی حانده زرده ایدوکی
مجهول بولننندن طولابی جلبی قابل اوله مدیغنه
بناءً افاده مضبوطه سننده کامل صالح و کاظم
علی به دائر اولان ققره لرک قرائتینی طلب ایلدی
لدی القرائه مآلی مرقومان کامل و کاظم علینک
برکیجه خانلرینه مسافر کلوب فرداسی حسین
متوشله برابر کتدکارینی و ایکنجی کیجه لیلاً
ساعت ایکی وقتلری برادر لری مرقومان لاهه
و یعقوب خانلرینه کلوب قیوی اچدیغنی صروده
شریف و کاظمی کندی اولرینه کیدرکن کوردیکی
و برادر لری مرقومانک برابر لرنده کتوردیکی ایکی
طوبره اشیا میاننده کاظم علینک دخی حصه سی
اولوب اوکی و الده سننگ قورقوسندن کندی
اوینه کتوردیکی بیان و اخبار ایلدیکی اکلادیلدی

وادی السؤال مرقومان کامل و کاظم علی بنه افاده
 سابقه لرنده اصرار ایلدیلر بوندن صکره مومی الیه
 کامل افندی آغاز کلام ایدرک ادعای سابقه سنده
 تصریح اولندیغنی وجهله متهملردن شریف و لاهه
 و یعقوب فضاحت مذکوره به مجاسرتلرینی پرمدی
 مستنطق حضورنده اقرار ایلدکلری مثللو بوکره
 حضور محکمه ده دخی مقر بولندقرینه و وقوع
 بولان اقرارلری استماع اولنان یحیی حسین
 وحلیم اوغلی امین و رجب مؤمنک مع القسم
 شهادتله یلده تقویت بولدیغنی کبی اموال
 مغصوبه دن خانه لرنده برطاقم اشیانک ظهور
 ایش اولسیده تأیید ایلدیکنه و دیگر متم کامل
 صالح هر نقدر مستنطق حضورنده واقع اولان
 اقرارندن بوکره نکول ایله حسین متوش طرفندن
 صائمق اوزره و بریلان اشیای مال مغصوب
 اولدیغنی بیلیرک الوب صاته مدیغنی جهته
 خانه سنده صاقلادیغنی و متهمله عدم ملاقاتنی
 سو یلکنده ایسه ده محلجه اقرار مشروخی بردغه به
 منحصر اولیوب حین دردستنده طایعاً و اخیراً
 مستنطق حضورنده دخی مکرراً اقرار ایلدیکی
 و اشیای مذکوره خانه سنده ظهور ایتیموب کنندی
 اراشه و بیانی اوزرینه خانه سنه قریب برقیالنده
 مختنی ایدوکی حالدده چیتارلش اولدیغنی اوراق
 تحقیقه مألرندن اکلاشیایه رق اساساً اشیای
 مغصوبه ننگ دخی حسین متوش طرفندن کندویه
 و برلدیکنی مقر و معترف بولندیغنی و افاده تحریر به سی
 قرائت اولنان شا کر ملوش متم کاملک دیگر
 متهمله ملاقاتنی اخبار ایتسیده اقرار و امارات

مشروحه به انضمام ایدن دلالتدن بولندیغنی جهته
 ایشو انکار اخیر واهی و بونکنده دیگر متهمله
 اشتراکی بدیهی ایدوکنه و کاظم علی به کلجه
 اشیای مغصوبه میانده حصه سی ظهور ایتدیکی
 کبی انکارینه قارشو متهمله ملاقاتنی اخبار
 ایدلش و فل غصبه برابر ایدوکی دخی متهملر
 طرفندن سو یلکنده بولنش اولسنه نظراً هیئت
 اتهامیه مضبطه سنده کوسترادیکی و جهله بشنگ
 دخی مجربیتی اکلاشلدیغندن واکرچه مدعی
 شخصی شریف بک ورود ایتماش ایسه ده
 حقوق شخصیه سی دعوا ده مختار بولندیغندن
 محاکمه به ختام و بریلرک جله سنک مجرم اولدقرینه
 قرار و برلسنی طلب و دعوی ایلدی مدعی عمومی
 معاونی مومی الیهک ایشو ادعایه قارشو
 ندیه حکملری متهملردن بشقه بشقه سؤال
 ایتدیرلرکده هر برلری بالاده مضبوط اولان
 افاده لرینی نه تکرار ایلدیلر مدافعه برده جکی
 او اوب اولدیغنی متهملرک و کیلری حیدر افندی
 لدی الاستفسار موکلرندن شریف و یعقوب
 و لاهه ننگ و قوعوبولان اقرارلری اقرار طایع اولیوب
 مجبوری ایدوکی ملحوظ بولندیغنه و کامل صالحک
 بوفعلده اشتراکی بر طرفن اخبار ایلدیوب حسین
 متوش طرفندن صائمق اوزره و بریلان اشیانک
 یدنده بولتمی دلیل انخاذ ایله حکم اعطاسی غیر
 جائز اولدیغنه و کاظم علی به کلجه بونک عقیب رعه ده
 خانه سی بالخری اشیای مسروقه دن برشی بولندیغنی
 مثللو بوفعلده برابر ایدوکنه دلالت ایده جک
 براخبار و اماره میدانده اولیوب اشیای مغصوبه


میانده حصه سی اولدیغنی حقنده متهملردن یعقوب
 و لاهه ننگ والده لرینی شا که لامه و برادرلری
 شا کر ملوشک محلجه واقع اولان روایتلری اساساً
 متهملردن ایشیدیلر برسوز اوله رق بونکله حکم
 قابل اولمیه جغنه و مع مافیه بوبانده برشی
 سو یلدیکنی مخبرلردن مزبوره شا که حضور
 محکمه ده بیان ایله نکول ایلدیکی کبی شا کر ملوشک
 روایتی دخی مستنطق حضورنده واقع اولان
 برافاده مجرد ده قالدیغنه و خصوصیه مرقوم
 کاظمک سنی اون اوچ اون درت راده لرنده بولندیغنه
 بناء جله سنک برایشلرینه قرار اعطاسیه اخلاقی
 سبیللری طلبنده بولندی مدعی عمومی معاونی
 کامل افندی دخی وکیل مدافع حیدر افندیکن
 متهملردن شریف و یعقوب و لاهه طرفندن
 و قوعوبولان اقرار مکرره به مجبوری دیمسی واهی
 اولوب چونکه بونلرک اقرار مسبو ققرینه حضور
 محکمه ده اولان تقریرلرله شهادت واقع تأیید
 و تصدیق ایش و خانه لرنده اموال مغصوبه ننگ
 ظهور یده تقویت و یرمش اولدیغنی کبی کامل
 صالحک بیان و اراشه اوزرینه برقیالنده چیقاریلان
 اشیای حقنده سبق ایدن اقراری امارات موجوده
 سااره ایله قوت بواش ایدوکندن و کاظم علی
 حقنده موجود بولنان دلیل و اماره لر بونکنده
 دیگرلرله اشتراکی حکمه کفایت ایده جکندن
 مدافع مومی الیه طرفندن و قوعوبولان افاده واهی ننگ
 ردینه و فقط مادامکه مرقوم کاظمک سننده اختلاف
 اولنیور نفوس قیدندن و قریه سی مختار و اعضا سنندن
 بوجهتک برکره سؤال و تحقیقه ادعای سابقه سی

وجهله جله سنک مجربیتنه قرار و برلسنی ادعا
 و بیان ایلدی وکیل حیدر افندیده افاده مشروحه سی
 تکرار ایتدیکی کبی متهملردن مظهر عدلت اولنلرینی
 بیان ایلدیلر بوندن صکره لدی السؤال طرفین بشقه
 برده حکملری قالدیغنی سو یلرله ختام محاکملری
 تفهیم قلندی
 هیئت اتهامیه مضبطه سیله مدعی عمومی اتهامنامه سی
 و اوراق تحقیقه مندرجاتی و مدعی عمومی معاونی
 ایله متهملرک و مدافعه وکیلنک ادعا و مدافعاتی
 و اصل ماده ایله متفرقاتی بالاطراف تدقیق و خلاصه
 ایلدکدن صکره ایجابی مذاکره اولندقدنه متهملردن
 شریف علیزوت و خیراه نام دیگر لاهه مالوش
 و قرنداشی یعقوب مالوش طقسان طقوز سنه سی
 کانون نایسنک بکر می سکرنجی جمعه ابرتمی کونی
 مسلح بولندقلری و برابرلرنده کامل صالح و کاظم
 علی دخی موجود اولدقلری حالدده کور یچه سنورنده
 (کار) موقعنده فراشار قریه لی شریف بکک
 بوکلرینی باصه رق اموال و اشیای غصب
 و غارات ایتدکلرینی مقدا پرمدی مستنطق
 حضورنده اقرار ایش و اقرار مضبوطه لرینی
 بوکره ده حضور محکمه ده تأیید و تصدیق ایتدکن
 صکره فضاحت مذکوره به جسامرتلری مجرد
 رفیقلرندن اشقیاق مقبول حسین متوشک تشویق
 و اغفالندن نشأت ایتدیکنی و غصب اموال ایچون
 کار موقعنه کیدیلر جکنه دایر معلوماتلری اولیوب
 تفرج ایتک املیه کیددکلرینی بیان ایله تأویل ایتک
 استیورلر ایسه ده اموال مغصوبه دن حصه لرینه
 مصیب برطاقم اشیای خانه لرنده مختنی بولندیغنی حالدده

ظهور ایتدیکنک کندی اعترافلرینه انضماماً بیان
 وشهادت اولغسی تأویلات مذکورہ بی حکمہ
 برافدیغی کبی وکیل حیدر افندیکنک اقراری
 مجبوری اولق احتمالہ دائر اولان مدافعہ سیدہ
 متہملر طرفدن حضور محکمہ دہ بو بادیہ برکونہ
 افادہ درمیان و بر طرفندہ اخبار و بیان اولغہ مسیلہ
 مجروح بولندیغندن کندیولرینک اقراریلہ
 موضوع بحث اولان دلائل و امارات سائرہ
 اوچنک دخی مجرمیتلرینہ درجہ کفایہ دہ بولغش
 ودیکر متہم کامل صالحہ کلنجہ بونک دہ یندنہ
 اموال مغصوبہ دن بر طاقم اشیایا ظهور ایدرک
 هر نقدر عند الاستجواب ادعا اولنان فعلدہ مدخلی
 انکار و اشیای مذکورہ مشتری ظهورندہ صاتمق
 اوزرہ مقبول حسین متوش طرفندن کندویہ
 تودیع واعطا و مشتری بولہ مدیغی جہتلہ خانہ سندہ
 صندوقنہ وضع والقا ایدرک مؤخرأ حکومتہ
 تسلیم ایتدیکنی بیان وتذکار ایدیلبور ایسہ دہ
 پر مدی مستنطق حضورندہ واقع اولان و بو کرہ
 حضور محکمہ دہ مواجہتہ قرائت اولنان
 ورقہ نطقہ سندہ اشتیادن حسین متوشک
 صاتمق اوزرہ متہملردن یعقوب و لاهہ حاضر
 اولدقزری حالہ کندوسنہ و پردیکی اشیانک
 اموال مغصوبہ دن اولدیغنی یلدیکی جہتلہ
 خانہ سندہ کتورر ایسہ هر کسہ شایع وافشا
 اولہ جغندن کسنہ نک معلوماتی اولماق ایچون
 بلہ زنجقہ قریہ سی اوستندہ کی قی اوچتورده صاقلادیغی
 و اخیراً دردست اولدقده اشیای مذکورہ نک
 بولندیغی محلی تعریف و بیان ایدرک اورادن

شا کر مالوشک مستنطق حضورندہ واقع اولان
 افادہ و اخبارندہ کوسترلمش ایسہ دہ مرقومک
 اشبو اخباری مجرد متہملردن لاهہ و یعقوب دن
 ایستہ بر سوز اولوب کاظمک اشیای مغصوبہ دن
 حصہ الیدیغنی ودیکر لرینک حصہ لریلہ برلشدیردیکنی
 اثباتہ غیر کافی بولندیغی کبی بئشقہ طرفدن بونک
 حقندہ حکمہ مدار برکونہ امارہ و اخبار و وقوعہ ولماش
 و هر نقدر مرقوم کاظمک انکارینہ قارشو وقعہ دن
 ایکی اوج کون اول متہملرہ ملاقات و بر قاج کیچہ
 بیتوتت ایتدیکنی مرقوم شا کر مالوش و لاهہ
 و یعقوبک والدہ لری شا کہ بت لامہ طرفندن
 خبر و یرلیدیکنک اوراق نطقہ لرندہ مندرج بولغسی
 کاظم علی حقندہ بعض مرتبہ اشتباهی داعی
 ایسہ دہ مزبورہ شا کہ لامہ اثنای محاکمہ دہ
 بو افادہ سندن نکول ایدرک عدم معلوماتنی درمیان
 ایتش اولدیغنه و اساساً اخبارات مذکورہ فعل
 غصبہ کاظم علینک دخی برابر ایدوکنہ حکم
 و یرہ جک قوتی حاز و متہملرک افادہ لریلہ محکومیتی
 دخی قانوناً جائز اولہ میہ جغنی جہتلہ مجرمیتی
 طرفنہ کیدیلہ مامش اولدیغندن اصول محاکمات
 جزایہ قانون موقنک ایکویز طقسسان ایکنجی
 مادہ سی موجبجہ بشقہ بر سبب اوزرینہ موقوف
 دکاسہ مرقوم کاظمک در عقب سبیلنک تخلیہ اولغسی
 لازمکہ جکنہ اتفاق ارا ایلہ قرار و یرلدی

فی ۱۸ مارت سنہ ۳۰۱



اشبو قرار طرفین مواجہد لرندہ قرائت و تفہیم
 اولدقندن صکرہ جہت جزایہ حقندہ صورت
 ادعاسی معاون مومی الیهدن استفسار اولندی
 متہملرک متجاسر اولدقزری غضب اسوال فعلی
 کراجی بنجقدی قتل ایتلر یلہ کسب شدت ایتش
 اولدیغندن قانون جزانک التمش ایکنجی مادہ سی
 ذیلنہ توفیقاً در دینک دخی تحدید مجازاتنی طلب
 و ادعا و اولیابادہ کہ ادعا نامہ سنی محکمہ یہ اعطا ایلدی
 اشبو ادعا یہ قارشو نہ دیہ جکری متہملردن بشقہ
 بشقہ لدی السؤال مظهر معدلت اولغملرینی بیان
 و یالکز شریف علیزوت مدعی افندیکنک دعوی
 ایتدیکنی جزا اغر اولدیغندن تخفیفنی در میان ایلدی
 مدافعہ بردیہ جکی اولوب اولدیغنی متہملرک
 وکیللری حیدر افندیدن صورلدقده موکللری
 مرقومونک ایشلملکری جرم قانون مذکورک
 ایکویز او توننجی مادہ سنک ذیلنہ تماس ایدہ جکندن
 ذیل مذکورہ توفیق حکم اولغسی طلب ایلدی
 معاون مومی الیہ کامل افندی دخی وکیل مدافعک
 استناد ایلدیکنی مادہ قانونیہ بر جنایت عادیه یہ
 منحصر اولوب بونلرک فعل و حرکتلری مزبور
 التمش ایکنجی مادہ نک ذیلنہ مطابق اولہ جغنه
 نظراً وکیل مومی الیہک افادہ سی موافق مصلحت
 اولہ میہ جغنی سو یلدی بوندن صکرہ لدی السؤال
 بشقہ بردیہ جکری اولدیغنی طرفین جواباً بیان
 ایتلر یلہ بوجہت حقندہ دہ محاکمہ نک ختامی تفہیم
 قلندی

اعلان

بيك اوچيوز برسنه سي تموز ينك بكرمي طقوزنجي بازار ايرتسي كوني قرتال قضا سنده تابع سمندره قريه لي عبدالقادر اوغلي عمرانك كيفيت جرح وقتلندن طولاي مظنون عليه اولوب غياباً جنايته اتهام اولنان فراري الحيق بو يلي چاقر كوزلي صاري بيقلي تخميناً بكرمي بش او توز ياشلر نده بعضاً سترى پانظلون و بعضاً بطور اكتسا اين محمد نام شخص الان اله پكور يله مد بكندن اصول محاكمات جزايه قانون موقتك اوچيوز تيش برنجي ماده سي حكمنه توفيقاً قانونه اطاعته محكمه يه كلك اوزره اشبو تاريخدن بالا اعتبار جانب رياستن فراري مرقومه اون كون مهل و يرلش اونغله مدت مرقومه اون كون مهل و يرلش اونغله مدت مذكوره ظرفنده محكمه به كلد يكي تقديرده قانونه طاعت ايتامش نظر يله باقيه رق مرقومك محاكمه غيايه سي بالا اجرا حقوق مدينه دن اسقاط اولنه جنغي مثللو اموالي دخي حجز ايديله چكي وبواننده بركونه اقامه دعوايه حقي اوله ميه جنغي و مرقومك بولنديغني محلي بيلنر خبر و برمكه وبالجمله ضابطه عدليه مأمورلر ينك دخي كندوسني اخذ وكرفت ايتكه مجبور اولدقلى مثللو حقدنه اخذ وكرفت امري دخي اعطا قلمش اولديغني بيانيله اعلان كيفيت اولنور

في ۹ تشرين اول سنه ۱۳۰۱

رسومات مجلسي هميزي علي بك نور عثمانيه جوارنده كائن خانه سندن فعل سرقته جرأت ايتلرندن طولاي رفقاي سائر سيله تحت توقيفه النوب بوكره حبسخانه عموميدن فرار ايند اورته بو يلي قره كوزلي قرال بيقلي اسمر چهره لي او توز بش او توز التي ياشلر نده انطا كيه لي صوجي احمد بن عبده نام شخص شمدي به دكيز اله پكور يله مد بكندن اصول محاكمات جزايه قانون موقتك اوچيوز تيش برنجي ماده سنده توفيقاً قانونه اطاعته محكمه به كلك اوزره تاريخ اعلاندن بالا اعتبار جانب رياستن فراري مرقومه اون كون مهل و يرلش اولغله مدت مذكوره ظرفنده محكمه به كلد يكي تقديرده قانونه طاعت ايتامش نظر يله باقيه رق مرقومك محاكمه غيايه سي بالا اجرا حقوق مدينه دن اسقاط و اموالي حجز ايديله چكي و بومدت ظرفنده بركونه دعوي اقامه سنده حقي اوله ميه جنغي و بولنديغني محلي بيلنر خبر و برمكه وبالجمله ضابطه عدليه مأمورلر ينك دخي كندوسني اخذ وكرفت ايتكه مجبور اولدقلى مثللو حقدنه اخذ وكرفت امري دخي اعطا قلمش اولديغني بيانيله اعلان كيفيت اولنور

في ۲۴ تشرين اول سنه ۱۳۰۱

ديندن طولاي تأمينات اولمق اوزره ادرنه قپوسي داخلنده امير بخاري محله سنده تخميناً اوچيوز الي برارشون عتيق وايكيوز برارشون جديد عرصه اوزر يته ميني فوقاني و تحتاني ايكي او طه و پيش كاهنده تخميناً تيش التي ارشون عتيق و قرق اوچ ارشون جديد و سعتي حاوي مقدم طاشجي اليوم خالي و خراب و اخشاب برنومر لي بر باب دكان ايله اتصالنده كائن الي اوچ ارشون عتيق و او توز ارشون جديد عرصه اوزر يته ميني داخلنده بر باب او طه بي محتوي و شهري يوز غروش كرا لي اوچ نومرولي بقال دكانك ملك و كد كنده مير مومي اليه امين افنديك متصرف اولديغني نصف حصه شايه سي بوندن اقدم بالمازايه ليرايوز غروش حسابيله اوچيوك غروش بدل ايله طالب عده سنده تقرر ايتش اولغله بوندن ز ياده به يعنى بوزده بش ضميمه طالب اولنر ك تاريخ اعلاندن او توز بركون ظرفنده در سعادت بدايت محكمه سي اجرا دائره سنده مراجعت ايتلري اعلان اولنور

في ۱۴ تشرين اول سنه ۱۳۰۱

مار يور بجه نك $\frac{۲۰۴}{۱۱۹}$ نومرولي اعلام موجنجيه بقال طناشه ديني اولان مبالغ معلومه نك تسويه سي ضمننده بيك قريه سنده بكسما دجي ادهم اعا موقعنده ۷۱ نومرو ايله مرقم برقطعه ترلا سنك تاريخ اعلاندن اعتباراً اون بش كون صكره بالمازايه

طاشجي امين افنديك ايكنجى حقوق دائره سندن في ۱۰ مارت سنه ۱۲۹۹ تاريخيله صدور ايند اعلام موجنجيه شريفه قدر يه خانه اولان

مدعي عمومي افنديك تحديد مجازات ادعا نامه سنك بر فقره سنده متهم يعقوب و خيره مالوش ايله شريف عليزوت و كامل صالحك حين غصبده قتل اولان كراحي بنجقه نك قتلنده دخي مدخلري اولديغندن او او جهله غاصب و قاتل صفتيله تحديد مجازاتلري طلب اولنش ايسه ده كراحي مرقومك قتل و اعدامي بو متهملك رئيسلري حسين متوش طرفندن وقوع اولديغني دلائل و امارات كثيره ايله تحققه وارد ينجي جهته بونر ك يالكز غصب اموالدن طولاي اتهام اولدقلى هيئت اتهاميه مضبطه سنده مصرح اولوب محكمه جه مجر يترينه اساس اتخاذ اولنان جهت دخي يالكز غصب امواله منحصر بولنش اولديغنه و متهملك درجه فعلرينه نظراً معاون مومي اليه ايله ايكي التمش ايكنجى ماده سي ذيلنه توفيق مسئله ده اصابت كور يله مد يكي مثللو وكيل مدافع حيدر افنديك استناد ايتديكي ايكيوز او تونجى ماده نك ذيلي كورك جزا سنده مستحق اولان سارقله حال و صفتلر يني بيله رك يتاقلق و معاونت ايدنله شامل اوله رق متهملر دن شريف عليزوت و يعقوب و لاهه ملوشك افعال مشروحه لري يتاقلق درجه سنده اوليوب عاداتا قطاع طريق منزله سنده بولندقلى اتفق آرا حاصل اولدقلى نصكره جزا قانونامه هممايونه لري المراجعة ذكر اولنان التمش ايكنجى ماده علاوه سنك برنجي فقره سنده (طاغلر ده و قيرلر ده مسلح اولدقلى حاله كزه رك راست كلدكلى بولجى لري طوتوب صويق فضيحه سنك ارتكاب (مابعدى وار)

طلومبه ده مسیح پاشای عتیق محله سنده اقسرای
جاده سنده طقسان بش نومرو ایله مرقم بر باب
مناو دکانتک نصف حصه سی تاریخ اعلاندن اون
بش کون صکره فروختنه تشبث اولنه جغی
اعلامات شرعیه اجرا دثره سندن اعلان اولنور
فی ۲۱ تشرین اول سنه ۳۰۱

متوفی حاجی احمد رجاتی افندی ورثه سنک خیره
خانم دمنده با اعلام شرعی الاجغی اولان مبالغ
معلومه تک تسویه سی ضمنده مدبونه مزبوره تک
عهده سنده اولوب مرهون بولنان بالقیانی
جاده سنده واقع یکر می طقوز و اوتوز بر نومرور
ایله مرقم یاغجی بقال دکانی درونده موجود کدکک
نصف حصه سی بوندن اقدم بالمزایده لیرا یوز غروش
حسابیله یدی بیک اوچیوز غروش بدل ایله
طالبی عهده سنده نقرر ایتمش اولدیغندن تاریخ
اعلاندن اعتباراً نهایت اوتوز بر کونه قدر یوزده
بش ضمیله زیاده یه طالب اولنلرک اعلامات شرعیه
اجرا دثره سنه مراجعت ایلیری اعلان اولنور
فی ۲۱ تشرین اول سنه ۱۳۰۱

فروختنه تشبث اولنه جغی بک اوغلی بدایت
محکمه سی اجرا مأموریتی جانبدن اعلان اولنور
فی ۱۵ تشرین اول سنه ۳۰۱

بیوک چکمجه لی بقل طودورا کینک ادهم اغزاده
سلیمان افندی ذمتنده با اعلام الاجغی اولان مع
مصارف التیوز الی بقی غروشک تأمین استیفاسی
ضمنده مدبونک حجز اولنان بیوک چکمجه ده اون
سکز نومرولی وتر یعاً عتیق اوچیوز و جدید
بوز یتش ایکی مربع ارشون اوتوز التی کراه
و طقسان ایکی پرمق سطحنده فرون عرصه سیله
ویکر می التی نومرولی شهریه التمش غروش
کرا کتورر بر باب نعلبند دکانتک اوچ حصه
اعتباریله بر حصه شایعه لری تاریخ اعلاندن
اعتباراً اون بش کون صکره مزایده به قونیه جغندن
ظهور ایده جک طالبلرک بیوک چکمجه بدایت
محکمه سی اجرا مأمور لغنه مراجعت ایلیری اعلان
اولنور فی ۱۵ تشرین اول سنه ۳۰۱

فضیلتلو محمد فیضی افندی نک زهفر خانم وزوجی
عبدالوهاب بک ذمتلنده با اعلام شرعی الاجغی
اولان مبالغ معلومه تک تسویه سی ضمنده میر
مومی الیهک عهده سنده بولنان لاله لیده یشیل